


Parmeshwar Ke Bagal Jaay Ke Rasta





© 2011 World Missionary Press, Inc., Rose Stair Goodman, author. Cover art, Edwin B Wallace. Meryl Esenwein art above and on pages 10, 12, 14, 16, 27, 29, 39, 41, 42, 44, 46, 47, and 48. The Bible text used for the New Testament verses are ©2008 by the Bible Society South Pacific with permission. The Bible text used for the Old Testament verses are translated by the Bible Society South Pacific's translator, Urmila Prasad, with her permission.

PARMESHWAR, HAMLOG KE DUNIA AUR 1 USMAN KE SAB JEEWIT CHEEJ BANAAIS

“Suru suru mein Parmeshwar aakaash aur dharti ke rachis.” —Genesis 1:1

“Sab cheej wahi ke dwaara racha gais raha, Swarag mein sab cheej aur dharti pe bhi.” —Colossians 1:16a

“Prabhu, jon dharti-asmaan banaais hei, tumme bahut aasheesh dei. Swarg to khali Prabhu ke hei, fir bhi i dharti ke u ham maanao jaati ke de dees hei.” —Psalm 115:15, 16

Dharti pefekt raha, jab Parmeshwar uske admi ke dees. I buk parho ki tum jaane sako ki kaa bhais raha.



“Tab Parmeshwar bolis, ‘Hamlog aapan ruup meñ admi banaayga, ulog hamlog jeise rahi. Ulog ke sab log pe... hukumat kare deo.’ ” —Genesis 1:26a

“Tab Prabhu Parmeshwar dharti se aapan haath meñ kuchh maṭṭi lees aur ek admi banaais; aur uske naak meñ jeewan de waala saañs fuuñkis aur u admi meñ jiu aay gais.”
—Genesis 2:7

“Tab Prabhu Parmeshwar bolis, ‘I achchha nai hei ki ek admi akelle rahe. Ham uske madad ke khaatir ek saathi banaayga.’ Tab Parmeshwar u admi ke gahra neeñd meñ su-taay dees, aur jab u soy gais, tab u uske ek pasli nikaal ke u jagha maañs bhar dees. Tab Parmeshwar u admi ke pasli se ek aurat banaais, aur uske lage le aais.”

—Genesis 2:18a, 21, 22

**Ek jeewit aatma ke matlab hei ki ham hardam ke waaste kahiñ rahega.*

4

AADAM AUR HAUA PARMESHWAR KE BAAT NAI MAANIS



Hamlog ke kabhi bhi saitaan ke baat nai maane ke hei.

“Tab Prabhu Parmeshwar u admi ke Eden ke gaadan mein le jaay ke rakhis, ki u uske dekhbhaal kare aur per paudha bowe. Tab Parmeshwar usse bolis, ‘Tum i gaaden ke koi bhi frut khaay sakta hei, lekin jon per achchha aur bura sikhaay hei, usman se kabhi bhi kuchh nai khaana, kaahe ke, jon roj tum usman se kuchh bhi khaaya, tum wahi roj mar jaayega.’ ”

—Genesis 2:15-17

SAAÑP, JONKE SAITAN BOLA JAAY HEI, PARMESHWAR KE ADHIKAAR PE SAWAAL KARE HEI AUR JHUUT BHI BOLIS.

“Saañp jawaab dees, ‘I sach nai hei; tum nai marega.’ U aurat dekhis ki sachche mein u per ke frut bahut sundar hei aur khaay mein bhi bahut achchha hoi, aur i bhi sochis ki ketna achchha hoi ki ulog bhi waais hoy jaai. Aur tab u per se kuchh frut tuuris, apne bhi khaais aur aapan admi ke bhi khawaais.”

—Genesis 3:4, 6

6 AADAM AUR HAUA AB GAADAN MEÑ NAI RAHE SAKHE HEI



praani log aur chaaro bagal ghuume waala aagi ke jarte tal-waar rakhis ki u per ke rakhwaali kare.”

“Yahi khaatir Parmeshwar u duuno ke Eden gaadan se baahar nikaar dees, aur jon jameen se u duuno ke banaais raha wahi jameen u duuno ke dees ki huañ kheti kare. Aur tab gaadaan ke east meñ, u jinda

—Genesis 3:23b, 24b

JAB ADAM AUR HAUA PAAP KARIN TO U ROJ MAANAO JAATI KE WAASTE BAHUT SOCH WAALA DIN RAHA

7



“...Ek admi se, paap duniya meñ aais. Aur maut, paap se, aur tab maut sab admilog tak pheil gais....” —Romans 5:12

Kuchh yaad rakhe ke hei

Harek admi paap leke peida bhais hei aur kabhi na kabhi mari kaahe ke maut paap se aay hei. (Romans 5:12 ke fir se parho.)

8 HAME PAAP SE BACHAAY KE WAASTE PARMESHWAR AAPAN EKLAUTA BETA KE BHEJE



“Meri ek larḱa peida kari aur tum uske naam Yeeshu rakhna, kaahe ke u aapan log ke paap se bachai.”

—Matthew 1:21

Maanao jaati hoy ke waaste, Parmeshwar ke larḱa ke ek mahush ke bachcha ban ke aay ke raha.

“Parmeshwar, Maseeh meñ puura ruup se rahe hei.”

—Colossians 2:9

MAANAO RUUP MEN—YEESHU HEE PARMESHWAR HEI

9

“Suru suru meñ Bachan raha, aur Bachan Parmeshwar ke saathe raha, aur Bachan hee Parmeshwar raha. Aur Bachan admi ke ruup dhar lees aur halog ke beech rahe lagis.”

—John 1:1, 14a

“Ab, I sab bhais ki jisse I sab puura hoy jaai: ‘Dekho, ek kuaari, maañ bane waali hei aur ek lar̄ka peida kari. Aur uske naam Immanuel rakkha jaai, jiske matlab hei’ ‘Parmeshwar hamaar saathe hei.’ ”

—Matthew 1:22a, 23

“Hamaar waaste ek bachcha peida hoi! Ek beṭa hame dewa jaay hei! Aur u homlog ke raaja (ruler) rahi. Uske i naam se bo-laawa jaai, ‘Wandāful Kaaunsla’ (adbudh kaunsal karewaala), ‘Mahaan Parmeshwar’, ‘Anant Pita’, aur ‘Shaanti ke Raajkumar.’ ”

—Isaiah 9:6

10 YEESHU MASEEH—HAMLOG KE SACHCHA/PUURA TYAAG

“Kristḡ koi paap nai karis raha...” —2 Corinthians 5:21



“Maseeh koi paap nai karis raha.”

—1 Peter 2:22a

Koi bhi (balidaan) jon ek admi kare hei, kabhi PUURA nai hoy hei ki u paap ke miṭaay saki.

“Lekin bakṛa aur beil ke khuun paap nai miṭaay.” —Hebrews 10:4

Yeeshu, Parmeshwar ke memna hei. “Yahi hei Parmeshwar ke memna, jon dunia ke sab paap aapan uppar uṭhaay.”

—John 1:29b

YEESHU HAMLOG KE BACHAAY KE WAASTE AAPAN PRAAN DE DEES

11

Yeeshu ke lakri ke kros pe neela se thoka gais. Kaahe ke nirdai log usse nafrat karat rahin. Lekin uske maut, Parmeshwar ke plen raha. Yeeshu aapan marji se praan dees ki jisse u aapke aur hamme hamlog ke paap se bachaay saki.

Yeeshu bolis, **“Hamaar laaif ke hamse koi nai chheene sake hei, lekin ham aapan khusi se deta hei. Hamme aapan laaif dewe ke adhikaar hei, aur I bhi adhikar hei ki uske fir se lauṭaay lei.”**

—John 10:18a

PARMESHWAR KE MEMNA KE KHUUN SE HAMME MUKTI MILE HEI

“Tum sab sona chaandi jeise bhrasṭ cheez se mukt nai kara gay raha . . . parantu Krist ke keemti khuun se jon bina daag ke aur ek bhola bhaala memna hei.”

—1 Peter 1:18, 19

KOI AUR BALIDAN PAAP KE NAI MITAAY SAKE HEI

“Hamlog ke pawitr banaaya gay hei kaahe ke Maseeh apne aap ke ekke dafe hardam ke waaste de dees.”

—Hebrews 10:10b

12 “Parmeshwar hamme apnaais kaahe ki Yeeshu Maseeh aapan khuun ke bali charhaais raha, aur ham Parmeshwar ke gussa se bhi bacha rahega.” —Romans 5:9b

“Prabhu, jab tum aapan raaj mein aana, tab hamme yaad karna.” —Luke 23:42b

I chor
Yeeshu pe
biswaas
karis aur
bachaawa
gais.



“Ham tumse
promis karta
hei ki aaj tum
hamaar
saathe swarg
lok mein
rahega.”
—Luke 23:43b



I chor
Yeeshu pe
biswaas
nai karis,
to u nai
bachis.

“Jab ki ham abhi bhi paapi hei, Yeeshu ham sab ke waaste maris.”
—Romans 5:8b

**JON SAB PARMESHWAR KE LAṘKA PE 13
BISWAAS KARE HEI, ULOG KE LAGE LAAIF HEI**

**“Parmeshwar dunia se etna prem
karis, ki u aapan eklauta laṛka ke
bhejis, ki jon koi bhi uspe biswaas
kari, to uske anant jeewan mili aur u
kabhi naash nai hoi.” —John 3:16**

**“Parmeshwar hamlog ke andhera ke Shakti se badal
dees aur hamlog ke aapan pyaara laṛka ke raaj meñ
laais, jon hamlog ke paap ke maafi de hei aur hamlog
ke chhuṭkaara de hei.” —Colossians 1:13, 14**



“U ainjal aurat log se bolis,
 ‘Daro nai! Ham janta hei ki
 tum Yeeshu ke, jon ke kros
 pe chṛhaawa gay raha, uske
 khojta hei. U hiañ nai hei!
 Parmeshwar uske mara meñ
 se jinda kar dees, jaise
 Yeeshu bolis raha ki hoi. Aao
 aur u jagha ke dekho, jahañ
 u rakkha gais raha.’ ”

—Matthew 28:5, 6

YEESHU MARA MEÑ SE UṬHAAWA GAIS 15

“Ham mar gay raha, lekin ab ham hardam ke waaste jinda hei, aur hamaar lage maut aur narak ke chaabhi hei.”

—Revelation 1:18

“Kaahe ki ham jinda hei aur tum bhi jinda rahega.” —John 14:19b
Kristḡ maut ke jeet lees hei aur uske lage maut ke chaabhi hei, hamlog ke maut se nai ḡare ke chaahi.

“Jab bhi hamme ḡar lagi, ham tum pe bharosa rakkhega.”

—Psalm 56:3

(See page 46 for the promises of God.)

YEESHU TUMME BACHAAY SAKE HEI AUR TUMHAAR WAASTE PREYA KARE HEI

“Jabki, Yeeshu hardam rahi, u sab ke bachaay sake hei jon uske kaaran Parmeshwar ke lage jaay hei, kaahe ke u hardam Parmeshwar se ulog ke waaste baat kare ke khaatir jinda rahi.”

—Hebrews 7:24a, 25b

TUM AUR HAM ANANT JEEWAN PAAY SAKTA HEI



TUM kaun rasta lega?

Yeeshu Maseeh hee
Parmeshwar ke saathe
Anant JEEWAN ke RASTA hei.

Saitaan, Anant MAUT ke
rasta hei.

I laarka Anant Jeewan ke waaste sahi rasta apnaais hei.

“... Aaj aapan waaste chunao karo, tum kis ke sewa karega.” —Joshua 24:15

**“Yahi khaatir laaif chuno, ki tum aur tumhaar descen-
dents duuno jiyega.”** —Deuteronomy 30:19b

YEESHU HEE ANANT JEEWAN KE RASTA HEI


“Aur koi dusra naam se nai bache sakta hei. Yeeshu hee u naam hei jisse log bache sake hei.” —Acts 4:12

“Ham, akelle Ham, Prabhu hei, aur hamme chhor ke koi aur muktidaata nai hei.” —Isaiah 43:11

18 AGAR HAMLOG ANANT JEEWAN MAÑGTA HEI, TO KAAHE KE HAMME YEESHU KE CHUNE KE HEI?

1. *Krist hee hei jon aais raha.*

“...Ham to aaya hei ki sab ke jeewan mile.” —John 10:10



2. *U Maseeh hee raha jon hamse prem
karis aur hamaar waaste maris.*

“Parmeshwar ke larka... ham se prem
karis raha aur hamaar waaste aapan
praan de dees.” —Galatians 2:20b

Yeeshu admi bana, hamlog ke rakam, khuun
aur maas se, “**U maris ki jisse u saitaan
ke naas kar dei, jiske sakti maut pe raha.**

Lekin u i kaaran bhi mara ki ham sab log ke bhi bachaay jon sab roj mare ke dar se jiye hei.” **19**

—Hebrews 2:14b, 15

3. Hamlog ke paap se bachaay ke dawaai khali Yeeshu ke khuun hei.

“U khuun hee hei jon aatma ke maafi dewe hei.”

—Leviticus 17:11b

“Uske putr, Yeeshu ke khuun ham sab log ke paap dhoy de hei.” **—1 John 1:7b**

“Hamlog ke paap ke maafi dees aur aapan khuun de ke chhutkaara de hei.” **—Colossians 1:14**



4. U Krist̄ hee Raha Jon Mara Meñ se Jee Uṭhis.

“Ham janta hei ki maut ab Yeeshu ke uppar hak nai jamaay sake hei. U mar gais raha aur fir jinda kara gais, aur ab u kabhi nai mari.” —Romans 6:9

“Aur Krist̄ ham sab ke waaste maris raha. U mara ki jisse ham log khali aapan khaatir nai jiyega, lekin uske khaatir jon ham log ke khaatir mar gais aur fir se jinda hoy gais.”

—2 Corinthians 5:15

Yeeshu bolis, **“Kaahe ki ham jinda hei aur tum bhi jinda rahega.”**

—John 14:19b

**5. Hamlog mein Krist ke aatma hoy ke chaahi,
ki jisse ham anant jeewan tak jaay paayga.**

21

**“Maseeh tumme rahe hei, aur wahi Parmeshwar ke
mahima hei.”** —Colossians 1:27b

**“Fir bhi Parmeshwar, Yeeshu Maseeh ke jinda karis!
Parmeshwar ke Aatma tum mein hei, aur u tumme
Aatma ke bal se jinda kari.”** —Romans 8:11

YAAD KARNA KI YEESHU KE AATMA TUMME RAHE
**“Jon koi ke paas Yeeshu ke Aatma nai hei, ulog
Yeeshu ke nai hoy sake hei.”** —Romans 8:9b

YEESHU SAB LARKAN SE PREM KARE HEI



**“Tab Yeeshu larḁan
ke godi meñ lees,
ulog ke muur pe
haath rakkhis, aur
aasheesh dees.”**

—Mark 10:16

**“Yeeshu ham se prem kare hei, i ham janta hei, kaahe
ke Baaibal hamse bataay hei.”**

**“Lekin Yeeshu u bachcha log ke aapan lage bolaay 23
ke bolis, ‘Bachcha log ke hamaar lage aay deo, aur ulog ke
roko nai, kaahe ke Parmeshwar ke raaj eisane log ke hei.’ ”**

—Luke 18:16

**“Yahi rakam tumhaar swarag ke Pita ke sañghe bhi hei. U
nai maañge hei ki i chhoṭa meñ se koi heraay.”**

—Matthew 18:14

Chaahe tum jahañ bhi hei ya tum kon hei, i matlab nai rakkhe
hei, Yeeshu tumse prem kare hei aur tumhaar waaste maris.
Yeeshu tumhaar bhi prem chaahe hei. Tum, uske baat maan ke,
Yeeshu se aapan prem dekhaay sakta hei.

“Agar tum hamse prem karta hei, to hamaar baat maano.”

—John 14:15

“Ek chhota larka ke bhi uske kaam se jaana jaay hei.”

—Proverbs 20:11a

24 PARMESHWAR KE LAGE JAAY KE RASTA TUM KEISE KHOJE SAKTA HEI

1. *Maan lo ki tum ek paapi hei (page 7 dekho).*

“Ham sab paap kara hei aur Parmeshwar ke mahima se duur hoy gaya hei.” —Romans 3:23

2. *Yeeshu Maseeh dwaara Parmeshwar ke paas aao.*

“Khali ek Parmeshwar hei, aur Yeeshu Maseeh hee u hei jon ham log ke Parmeshwar ke lage le jay sake hei.”
—1 Timothy 2:5

“Yahi khaatir u ulog ke bachaay saki jon log ke u Parmeshwar ke bagal le jaay hei.” —Hebrews 7:25a

Yeeshu bolis, “Jon koi bhi hamaar lage aai, ham uske kabhi duur nai karega.” —John 6:37b

3. *Aapan paap se pastaao.*

(Iske matlab hei ki tum etna pachtaata hei ki paap chhor dega.)


“To aapan dil ke badlo aur Parmeshwar ke nagichche jaao ki jisse tumhaar paap maaf hoy jaay hei.”

—Acts 3:19

“Parmeshwar dheeraj waala hei, kaahe ke u maañge hei ki sab koi paap chhor de aur naas nai howe.”

—2 Peter 3:9

4. *Aapan paap ke Yeeshu ke bataao.*



“Agar ham aapan paap maan leta hei. U dayaalu hei aur hamlog ke paap ke maaf kar dei.”

—1 John 1:9a

26 Neeche laain pe 1 John 1:9a likho jon page 25 ke preya waala haath hei.

5. *Aapan paap ke chhoro.*

“Jon koi aapan paap ke chhupaay le hei, u aage nai barhe hei, lekin jon koi kabul karke chhor de hei, ulog ke daya mili.” —Proverbs 28:13

“Kharaab kaam se duur raho, aur achchha kaam karo.” —Psalm 37:27a



6. *Yeeshu Maseeh pe Biswaas Karo.*

“Agar tum aapan puura dil se biswaas karta hei ki Parmeshwar uske mara meñ se jiaais hei, to tum bachaawa jaayega.”

—Romans 10:9b

“Tum log aapan biswaas se Parmeshwar ke anugrah se bachaawa gaya. I tumlog ke kosis ke fal nai hei, lekin Parmeshwar ke daan hei ki jisse koi bhi aapan barai nai kare saki.” —Ephesians 2:8, 9

“Prabhu Yeeshu Maseeh pe biswaas karo, to tum aur tumhaar puura palwaar bach jaai.”

—Acts 16:31b

28 7. *Yeeshu Maseeh ke Aapan Dil aur Jeewan mein Le Lo.*

Khali *tum*, aapan dil ke palla khole sakta hei, aur Yeeshu ke invaaif kare sakta hei ki u bheetar aay.



Yeeshu bolis, “**Suno, ham tumhaar darwaaja pe kharā hei aur nok karta hei. Agar tum hamaar awaaj sune sakta hei, to palla kholo, ham bheetar aayega aur ek saathe khaana khaayega.**” —Revelation 3:20

“**Jon jon bhi uske apnaais, aur uske naam pe biswaas karis, usab log ke u hak dees ki u sab Parmeshwar ke larākan bane.**” —John 1:12

Agar tum kabhi bhi preya nai kara hei, aur preya kare mañgta hei, to tum neeche likha preya kare sakta hei.



Pyaare Prabhu Yeeshu,

Dhanbaad ki tum kros pe mara aur hamaar sab paap le lia. Jetna galat kaam ham kara hei, uske khaatir "sorry". Ham tumse binti karta hei, plees hamaar dil meñ aao, aur hardam ke waaste hamaar dil meñ raho. Ham abhi se tum pe bharosa karta hei aur Prabhu maanta hei. Tumhaar naam se ham i preya kara hei, Aameen.

30 TUMHAAR DIL MEÑ YEESHU KE RAHTE TUMME ANANT JEEWAN MILI

“Parmeshwar hamme anant jeewan dees hei, aur ham log ke jeewan uske lar̄ka ke bagal se aay hei. Aur jon ke lage Parmeshwar ke lar̄ka hei, uske lage jeewan hei.” —1 John 5:11b, 12a

“Jon hamaar sandes sune hei, aur jon hamme bhejis hei, uspe biswaas kare ke hei—u mara meñ se hoyke jeewan paay lees hei.” —John 5:24b

Jab tumhaar deñhi mar jaay hei, tab tum Prabhu meñ rahta hei (2 Corinthians 5:8). “**Maseeh tumme rahe hei, ek mahima ke aasha ban ke**” (Colossians 1:27b).

Agar tum Yeeshu se aapan paap ke maafi maañga hei, aur tum Prabhu Yeeshu Maseeh ke aapan muktidaata ke rakam biswaas karta hei, to aapan naam neeche likho:

KEISE YEESHU KE PEECHHE PEECHHE 31 CHALE SAKTA HEI



Baaibal ke paath hardam parho (Parmeshwar ke vachan) aur jon khaas verse tumme madad kare hei, uske muh jabaani yaad kar ke aapan dil meñ lukaay ke rakh lo. (I buk meñ bahut se eisan verse hei.)

“Baaibal meñ sab cheej Parmeshwar ke vachan hei. U sab sikhaay meñ aurlog ke madad kare meñ aur log ke sudhaare meñ aur dekhaay meñ ke keise raha jaay hei, jaruuri hei.”
—2 Timothy 3:16

32 KOI BHI TAAM YEESHU SE PREYA MEÑ BAAT KARO

Jeewan meñ sab achchha cheej ke liye **Yeeshu ke dhanbaad do.** Jon jon kaam u tumhaar waaste karis hei aur tumhaar aatma bachaay ke khaatir **Uske jayjaykaar** karo. Koi bhi tumhaar jarurat hei uske waaste. Yeeshu ke naam meñ **preya karo.**



“Agar ham uske ichchha anusaar kuchh maañgega, u hamlog ke suni.” —1 John 5:14b

“Agar tum Pita se hamaar naam pe kuchh bhi maangega, u tumme hamaar naam se de dei.”

—John 16:23b

“...Ek dusra ke waaste preya karo...”

—James 5:16

“Aapan dusman se prem karo, aur jon tumme sataay hei, uske waaste preya karo.”

—Matthew 5:44b

YEESHU AAPAN CHELA LOG KE EK PREYA SIKHAAIS

33

(Ek chela u hei jon Yeeshu ke peechhe chale hei.)

Yeeshu aapan chela log se bataais ki eise preya kara karo:

“He hamaar Pita, tum jon swarag meñ hei, tumhaar naam pawitr hoy. Tumhaar raaj aawe. Tumhaar ichchha jeise swarag meñ puura hoy hei weise dharti par bhi hoy. Aaj ke waaste hame roṭi do. Hamaar galti maaf kar deo. Jeise ham bhi aapan apradhi log ke maaf kara hei. T̄est̄ se hamme duur rakho aur hame buraai se bachaao: kaahe ke raaj aur mahima sada tumhaar hei. Aameen.” —Matthew 6:9b-13

(I preya muh jabaani seekh leo. Biswaasi log hardam i preya ek saathe jor jor bol le kare hei.)

34 PARMESHWAR KE DAS NIYAM HAME SIKHAAY HEI KI KEISE RAHA JAAY HEI

(Exodus, chapter 20)

*Pahila chaar hamlog ke Parmeshwar se prem ke baare
meñ hei*

1. "Hamse aage tumhaar aur koi Parmeshwar nai rahi."
2. "Tum aapan waaste koi muurti ya uske rakam koi aur cheej nai banaayega...; tum uske saamne sir nai jhukaayega, ya uske sewa karega."
3. "Tum jhuuṭ ke Prabhu Parmeshwar ke naam nai lega."
4. "Sabat ke roj, yaad rakha, ki uske pawitr rakhe ke hei."

Baaki 6 Admi se Prem ke baare meñ hei

5. "Aapan maiya bappa ke aadar karo."
6. "Hatya nai karna."
7. "Vyabhichaar nai karna" (Vyabhichaar, ke matlab hei ki aapan aurat ya admi ke saathe faithful nai rahna.)
8. "Tum chori nai karna."
9. "Aapan parosi ke khilaaf jhuuṭa gawaahi nai dena."
10. "Parosi ke koi bhi cheej ke apnaay nai lena."

**PARMESHWAR KE BAAT MAANE SE HAMLOG KE
PREYA KE JAWAAB LAAY HEI**

"U hamlog ke sab dei jon ham log usse maṅta hei, kaahe ke ham log uske baat maanta hei aur wahi karta hei jisse u khusi rahe hei."

—1 John 3:22

Parmeshwar se Prem

1. “Yeeshu bolis, ‘Tum Prabhu aapan Pameshwar se aapan man se aur aapan praan se, aur aapan saara buddhi se prem karo.’ Yahi sab se pahila aur sab se khaas hukum hei.”

—Matthew 22:37, 38

Admi se prem

2. Khaas niyam i hei ki, “Tum aapan parosi se aapan rakam prem karo.”

—Matthew 22:39

Sab das niyam (pages 34 and 35) meñ dui khaas niyam meñ paaya jaay hei.



Sab se mahaan "Prem Chapter"**(1 Corinthians 13:1-8, 13)**

¹Agar ham manush log aur ainjals ke sab bhaasha bole lagi, aur ham dusra log se prem nai kari, to ham ghanṭi ke awaaj (gong) aur majeera ke jhaanj ke baraabar rahega.

²Agar ham aage ke baare meñ bataay sakta aur sab bhed aur naolej samjhe sakta to kaa hota? Aur agar ham meñ etna biswaas rahta ki ham pahaar haṭaay deta, to kaa hota? Hame fir bhi kuchh nai hota, agar ham sab se prem nai karta. ³Kaa hoi agar aapan sab cheej baaṭ dei, aur apne aap ke jinda jaraay dei. Hamme kuchh nai mili, jab tak ham dusra log se prem nai karega. ⁴Prem dayaalu aur dheeraj hei, kabhi jaran, ya aapan baraai nai kare hei, ghamandī nai

38 hei, ya ruud nai hei. ⁵Prem selfish nai hei. Jaldi se gussaay bhi nai hei. U likh ke bhi nai rakkhe hei ki dusra ke kaa galti hei. ⁶Prem sach meñ khusi manaay hei, lekin jhuuṭ aur kapaṭ meñ nai. ⁷Prem hardam sahaara de hei, aasra rakkhe hei, bafaadaar rahe hei, bharosa rakkhe hei. ⁸Prem kabhi haare nai hei! Jon koi bhi bhawish bataay hei, u band hoy jaai, aur nawa bhaasa nai bola jaai. Jon sab ham janta hei, u bhulaay dewa jaai.

¹³Abhi ke waaste biswaas, aasha aur prem hei. Lekin I teeno meñ se prem sab se bara hei.

PARMESHWAR PREM HEI

“Parmeshwar prem hei, agar ham dusra log se prem karte rahega, tab hamlog Parmeshwar ke dil meñ rahega aur u ham meñ rahi.”

—1 John 4:16b

YEESHU MAAÑGE HEI KI TUM AUR LOG KE GAWAAHI DO

39

(school meñ, ghar meñ,
church meñ, aur baaki sab
jagha bhi).



Yeeshu bolis, “**Tum aapan
ghare jaao, aur aapan log se
bataao ki Prabhu tumhaar
khaatir ketna baṛa kaam
karis aur tumpe ketna daya
dekhaais.**” —Mark 5:19b

40 PARMESHWAR KE SACHCHA LARKA KE KEISE JAANE SAKTA HEI

“Yahi kaaran ulog ke fal se tum ulog ke jaan lega.”

—Matthew 7:20

**“Lekin aatma ke fal prem, aanand, shaanti, dheeraj, daya,
achchhaai, bhalaai naram dil aur self kontrol hei.”**

—Galatians 5:22, 23a

PARMESHWAR KE SACHCHA LAR, KA SAB KE MAAF KAR DE HEI

**“Agar tum dusra ke paap ke maaf kar dega to tumhaar swarg
ke Pita bhi tumme maaf kari.”**

—Matthew 6:14

SAAT CHEEJ JON SE PARMESHWAR NAFRAT KARE HEI

**“Ek ghamadi, jhuut bole waala jeebh, khuun bahaay waala
haath, neech plen banaay waala dil, u gor jon dust kaam kare
ke waaste bhaage hei, ek jhuuta gawaah jon jhuut bole hei, aur
ek u jon aapan bhaai log meñ fuuṭ ḍaale hei.”** —Proverbs 6:17-19

**Aatma
ke Fal**

**(Maas) Deñhi
ke kaam**



DEÑHI KE KAAM: 41

“... vyabhichaar, neech kaam,
muurti puujan, jaadu ÷ona...
jaraan bhaao, hatya, gussa, nasa
karna aur eisan cheej.... Jon i
sab kare hei, ulog Parmshwar
ke raaj ke bhaagidaar nai rahi.”

—Galatians 5:19-21

“... Homosekshual nai... chor
nai... bhrast nai.”

—1 Corinthians 6:9, 10a

KRIST KO APNE AATMA TUM MEÑ BHARNE DO AOR TUMME SAAF KARNE DO

“Tum meñ se kuchh log wahi rakam raha. Lekin ab Prabhu Yeshu
Maseeh ke naam aur Parmeshwar ke Aatma ke sakti tumme dhoy dees
hei, aur tumme pawitr banaay dees hei, ke jisse Parmeshwar tumme
apnaay le.”

—1 Corinthians 6:11

42 NARAK SACHCHE MEÑ EK JAGHA HEI



(Luke 16:19-26 parho).

Yaad rakhna ki tum Yeeshu Maseeh pe bharosa karta hei. U tumhaar naam aapan laaif ke buk meñ rakkhi.

“Aur jon koi ke naam laaif ke buk meñ nai likhaan raha, u sab ke aagi meñ feñk dewa gais.”

—Revelation 20:15

PARMESHWAR KE LAGE JAAY KE RASTA KHALI YEESHU HEI

43

“Parmeshwar hamlog ke anant jeewan dees hei, aur i jeewan uske larka ke bagal se aay hei.” —1 John 5:11b

“Paap ke karja maut hei, lekin Parmeshwar ke bardaan, Yeeshu Maseeh ke bagal se anant jeewan hei.”
—Romans 6:23

“Jon koi larka pe biswaas kare hei, anant jeewan uske mile hei. Lekin jon larka ke nai maane hei, u anant jeewan nai paai aur Parmeshwar usse hardam gussa meñ rahi.”
—John 3:36

Yeeshu tab usse bolis, “Rasta, jeewan aur sachchaai hamahi hei! Hamaar bina koi bhi Pita ke lage nai jaay sake hei.”
—John 14:6

44 NARAK SACHCHE MEÑ EK JAGHA HEI



Revelation meñ John ek nawa swarg aur ek nawa dharti dekhis.

“Ulog ke aañkhi ke aañsu wahi pochhi, aur huañ kabhi maut, museebat, peerā aur rona nai rahi. I sab puraana jamaana ke baat ab hadam ke khaatir chala gais hei. Tab u jon singhaasan pe beitha raha, bolis, Ham sab cheej nawa kar dia hei.”

—Revelation 21:4, 5a

John ek pawitr siṭi bhi dekhis, aur ek nawa Jerusalem, Parmeshwar ke swarg se aate dekhis. **“U siṭi asli sona ke bana raha, jon safa glass ke rakam raha. Siṭi ke baarah faaundeishan ke patthar sab rakam ke mahañga patthar raha.”**

—Revelation 21:18b, 19a

**KARE HEI USKE WAASTE U EK NAWA GHAR
BANAAY KE WAASTE GAIS HEI**

“Dukhi nai ho aur ghabraao bhi nai. Parmeshwar pe bharosa rakkho aur ham pe bhi. Hamaar Pita ke ghare bahut se rahe waala jagha hei. Agar nai hota to ham tum se bol deta. Ham tumhaar waaste jagha taiyaar kare jaata hei. Jab ham huuañ jaay ke tumhaar waaste jagha taiyaar kar lega, tab fir lauṭ ka aayga aur tum sab ke hiañ se aapan sañghe le jaayga, ki jisse jahañ ham rahega wahiñ tum bhi rahega.” —John 14:1-3

I SUSAMAACHAAR SAB KE BATAAO

Yeeshu bolis, “Tum dunia meñ sab bagal jaao aur sab jaat ke log le i susamaachaar sunaao.” —Mark 16:15b

“Jon aatma ke jeet le hei, wahi buddhimaan hei.”

—Proverbs 11:30b

PARMESHWAR KE WAADA, AAPAN LARKAN KE KHAATIR

“Ham kabhi bhi tumme akela nai chhorega.” —Hebrews 13:5b

“Kaahe ke u aapan ainjals tumhaar dekhbhaal kare ke bheji, ki tumme seedha rasta dekhaay sake.” —Psalm 91:11

“Uske koi bhi hamaar Pita ke haath se chheene nai saki.” —John 10:29b

“Ham i janam ke ant tak hardam tumhaar sañghe rahega.” —Matthew 28:20b

“Wari nai karna ki tum dukh uṭhaayga...
Lekin agar tum mare tak nai, tab imaandaar rahega, to ham tum log ke ek bahut sundar laaif dega.” —Revelation 2:10

“Jab ham añdhera meñ beiṭhega, to Prabhu hamaar laaiṭ rahi.” —Micah 7:8b

“Hame bolao, aur ham tumhaar awaaj sunega.” —Jeremiah 33:3a



Sab koi ke mara meñ se jinda kara jaai.

“Ṭaaım aai ki jon sab mara log hei, u sab manush ke lar̄ka ke awaaj suni, aur u sab aapan aapan kabar se nikar ke aai. Jon bhi koi jeewan meñ achchha kaam karis hei uske jeewan mili, lekin jon kharaab kaam karis hei uske saja mili.”

—John 5:28b, 29



Maseeh meñ jon maris hei, u sab ke pahile jinda kara jaai.

“Tab ham sab log jon abhi jinda hei, uske sañghe baadar pe se hoy ke asmaan meñ Prabhu se mile ke waaste rahe jaayga.”

—1 Thessalonians 4:17

“Jaagte raho aur preya meñ laga raho, kaahe ke tum nai janta ki u ṭaaım kab aai.”

—Mark 13:33b



“Dekho, u baadar ke sañghe aay hei. Aur sab koi uske dekhi.” —Revelation 1:7a

Jhuuṭa nabi log aur jhuuṭa Kristṭ's se saaodhaan rahna. **“Tum se agar koi bole, ‘Maseeh hiañ hei!’ ya ‘Maseeh huañ hei,’ to biswaas nai karna. Agar koi bole, ‘Maseeh dezet meñ hei,’ to bahire nai nikarna! Ya bole ki, ‘dekho bheetar room meñ hei,’ to bhi biswaas nai karna.”**

—Matthew 24:23b, 26b

JALDI HEE YEESHU SWARG KE BAADAL SE HOY KE AAI

“Kaahe ke jeise bijli eest se west tak chamke hei, weisaiyeñ Manush ke larṭa bhi aai. Tab Manush ke larṭa ke saain asmaan meñ dekhaai, aur dharti ke sab jaati ke log Manush ke larṭa ke baṛa shaan aur mahima se asmaan se aate dekhi.”

—Matthew 24:27, 30b

CHARWAAHA LOG KE BHAJAN SANHITA

(Psalm 23)

¹Yahowa mera aharwaaha hei; hame kuchh kamti nai hoi.

²U hame hara hara ghaas meñ beithaay hei; U hame shaant paani ke sota ke lage le jaay hei. ³U hame taagat de hei; U aapan naam aur sachchhai ke khaatir hame rasta dekhaay hei.

⁴Charwaaha ham mirtyu ke ghor aãdhera se hoy ke chali, hame koi ðar nai rahi; kaahe ke tum hamaar saathe hei; tumhaar laaṭhi aur chhari, hame shaati de hei. ⁵Tum hamaar dusman ke aage hamaar ṭaibal sajaata hei, tum hamaar muur meñ tel lagaata hei; hamaar pyaala bhar ke gire lage hei.

⁶Yakeenan achchhai aur daya, jeewan bhar hammar saathe rahi; aur ham Yahowa ke ghar meñ hardam rahega.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Free — Bechne ke liye nahi

www.wmpress.org

5-18

2315 Fijian Hindi WTG

